

Ո՞Վ Է ԹՈՎԱՄԱՅԻ «ՊԱՏՄՈՒԹԻՒՆՆ ՏԱՆՆ ԱՐԾՐՈՒՆԵԱՑ»-Ի
«ՄԱՆԻԹՈՊ ԱՐՔԱՅ ԽԵՓՏԱՂԱՑ»-Ը

ՄԱՐԳԱՐԻՏԱ ԴԱՐԲԻՆՅԱՆ-ՄԵԼԻՔՅԱՆ

Թովմա Արծրունու Պատմության Ա գրքի 3-րդ գլխում, որտեղ հիմնականում ներկայացված է Ջրադաշտի ուսմունքը, ավելի ճիշտ՝ գրա զնոստիկյան հոսանք զրվանությունը, ուշադրություն է գրավում «Իսկ Մանիթոպ արքայ Խեփտաղաց զայսոսիկ հաստատէ» արտահայտությունը: Առաջինը, ով գուգորդվում է այդ անվան հետ՝ հին եգիպտական քուրմ և պատմաբան Մանեթոնն է. նրա գրչին են պատկանում փիլիսոփայական, աստվածաբանական, պատմական մի շարք աշխատություններ և, մասնավորապես, Եգիպտոսի պատմությունը, որից հատվածներ են պահպանվել Հոփսեփոս Փլավիոսի, Ափրիկանոսի և Եփեսեբոս Կեսարացու երկերում: Նրա մասին վերջինս գրում է. «... բայց Մանեթովս այր Եգիպտացի ազդաւ... գրեաց յեղղական բարբառ զիւր գաւառական պատմութիւն...»¹, և քանի որ Մանեթոնը չէր կարող լինել «արքայ Խեփտաղաց»-ը, բնականաբար, ծագում է այն, կասեի, մակերեսային ենթադրությունը, թե գործ ունենք բնագրի աղավաղման հետ և «Մանիթոպ արքայ Խեփտաղաց»-ի փոխարեն, թերևս, գրած է եղել «Իսկ Մանիթոն այր Եգիպտացի», ինչպես նա ներկայացված է Եփեսեբոսի Քրոնիկոնում, առավել ևս, որ փոքր-ինչ վերև, սույն գլխի մեկ այլ պերսոնաժ Ջրադաշտին, Թովման ներկայացնում է Քրոնիկոնից քաղած բառացի փոխառությամբ. «... Ջրադաշտ մոգ, արքայ բակտիացուց...»²: Այդ ենթադրությունն առաջադրված է Թովմա Արծրունու «Պատմութիւն տանն Արծրունեաց»-ի մեր ուսեսերեն թարգմանությունը կից ծանոթագրություններում³: Սակայն հետագա ուսումնասիրությունը⁴ փոխել է մեր պատկերացումներն այդ հարցի վերաբերյալ: Մի կողմից, Եփեսեբոսի Քրոնիկոնի լավ իմացությունը բացառում է Թովմայի կողմից նման հայտարարություն անելու հնարավորությունը, մյուս կողմից՝ սույն գլխի ընդհանուր բովանդակությունը բացառում է նաև գրչական վրիպակի առկայությունը: Դրանից հետևում է, որ խոսքը ոչ թե եգիպտական պատմիչ Մանեթոնի, այլ ինչ-որ մեկ այլ անձնավորության մասին է, որը կրում է նույն կամ էլ շատ նման մի այլ անուն:

¹ Եւսէբի Կեսարացոյ ժամանականք երկմասնեայ (այսուհետև՝ Քրոնիկոն), Վեներտիկ, 1818, Ա, էջ 222-223:

² Նույն տեղում, էջ 95:

³ Товма Арцруни и Аноним. История Товмы Арцруни. Перевод с древнеармянского, вступительная статья и комментарии М. О. Дарбинян-Меликян. Ереван, 2001, с. 356-357, прим. 23.

⁴ Մեզ գրգել է դրան հայաբետ Վ. Աբգարյանը, որը մասնավոր զրույցի ժամանակ կասկածելի է համարել հարցի նման մեկնաբանությունը, ենթադրելով, որ, թերևս, Թովմայի Մանիթոպը կապված է արևելյան ինչ-որ առասպելների հետ (օգտվելով առիթից՝ հայտնում եմ անկեղծ շնորհակալությունս):

Առաջինը, ում մոտ հանդիպում ենք նման անվան, Վարդանն է, որը Հետջրհեղեղային մարդկանց բնակեցման մասին պատմելիս գրում է, թե Նոյը «... գկնի ելիցն ի տապանէն... ծնաւ, ասէն, որդի մի այլ՝ Մանիտոն անուն, և դուստր մի Աստղիկ անուն... և մասն ինչ յարեմտից յատանեալ՝ ետ Մանիտոնի... և ետ նմա զլսրունս ծնկացն (Աղամայ)...»⁵: Այս հատվածի բովանդակութունը մատնացույց է անում երկու աղբյուր մեկը ինչ-որ անկանոն մի գրվածք է, մյուսը՝ Մովսես Խորենացին:

Հին կտակարանի անկանոն գրքում, իրոք, հանդիպում ենք Մանետուն անվանը հետևյալ կոնտեքստում. «Իսկ Նոյ առեալ զօրհնութիւն Աստուծոյ, էջ ի լեռնէն և բնակեցաւ [յ] Ակորի: Երբ բազմացան զաւակք նորա՝ ի ջին [յ] ջեւան և անդ ապրեցան երեք հարիւր տարի: Եւ երկու որդիքն Անդուն և Մանետուն և (միւս) որդիքն աճեցան և բազմացան և լցին զնախիջեւան, և նովալ՝ լցին զաշխարհս: Եւ անուն տեղւոյն կոչեցաւ Նախիջեւան⁶, և այն է գերեզման Նոյի»⁷: Ակնհայտ է, որ Վարդանի հիշատակած Մանիտոնը և անկանոն գրքերի Մանետունը միևնույն անձնավորութունն է:

Ինչպես Վարդանի մոտ, այնպես էլ Անկանոն գրքերում, Մանիտոնը ներկայացված է որպես Նոյի ջրհեղեղից հետո ծնած որդի, սակայն Մանետոն գրքում ոչ մի ակնարկ չկա այն մասին, թե Նոյը ջրհեղեղից հետո որդիներ է ծնել: Հարցի կապակցությամբ Եպիփանոսը հետևյալ կարծիքն է արտահայտում. «Ջրհեղեղից հետո, քանի որ Նոյան տապանը կանգ է առել Արարատյան լեռներում... ապա սկզբից այնտեղից է կատարվում մարդկանց բնակեցումը... 669 տարիների ընթացքում նրա որդիներից (չի երևում, որ ինքը՝ Նոյն էլի որդիներ ծնած լինել) ծնվում են որդիներ և որդիների որդիներ»⁸: Այսպիսով, «ծնաւ» «որդի մի այլ Մանիտոն» ասելով՝ ենթադրվում է ոչ թե Նոյի անմիջական որդի լինելը, այլ այն, որ Մանիտոնը սերում է Նոյից՝ ուղիղ վայրընթաց գծով: Այդ դեպքում նա Նոյի երեք որդիներից ո՞ր մեկի սերունդներից է: Ելնելով Վարդանի տեղեկությունից՝ Սեմը, Քամը և Հաբեթը Մանիտոնի և Աստղիկի եղբայրներն են: Աստղիկին հանդիպում ենք նաև Խորենացու Պատմութունում Բերոսյան Աբելլայից քաղած առասպելում. «Արդ՝ ի բռնանալն, ասէ, Ջրուանայ՝ ընդդիմացան նմա Տիտանն և Յապետոսթէ ի մարտ պատերազմի ընդ նմա գրգռելով... Աստ ի մէջ անցեալ քոյր նոցա Աստղիկ՝ համոզեալ դադարեցուցանէ զաղմուկն և յանձն առնուն թագաւորել Ջրուանայ, բայց դաշինս ուխտից և երդմանց ի միջի հաստատէն, սպանանել զամենայն արու՝ որ ծնանիցի Ջրուանայ... Եւ սպանեալ զերկուս ոմանս վասն երդման... խորհի այնուհետև քոյր նոցա Աստղիկ հանդերձ կանամբք Ջրուանայ, հաւանեցուցանել զոմանս ի Տիտանաց՝ ապրեցուցանել զայլ մանկունս, և

⁵ Մեծին Վարդանայ Բարձրբերդեցույ Պատմութիւն տիեզերական: Ի լոյս ընծայեաց Մկրտիչ Էմին, Մոսկվա, 1861, էջ 15:

⁶ Նախիջեւանի մասին առասպելը հայտնի էր Հովսեփոս Փլավիոսին: «Այդ տեղը, — գրում է նա, — հայերը անվանում են «իջման տեղ», և մինչ այժմ էլ բնիկները ցույց են տալիս այնտեղ տապանից պահպանված մնացորդները» (Մ о с и ф Ф л а в и й. Иудейские древности. М., 1996, I, 3, §5):

⁷ Թանգարան Հին և նոր թարգմանութեանց նախնեաց. Ա. Անկանոն գիրք. Վենետիկ, 1896, էջ 323-324:

⁸ Y. M i g n e. Patrologiae graecae. T. XLI, Panarium. Lib. I, tom. I. s. 182.

յարեմուտս կոյս յուղարկել ի լեառնն, որ անուանեալ կարդային Դնւցըն-կեց, իսկ այժմ կոչի Ուրմալ»⁹: Այս երկու ցուցմունքներում կարևոր է երկու հանգամանք. 1. Աստղիկը Սեմի քույրն է, իսկ ըստ Խորենացու վկայութ-յան «... կողմանք արևելից Ջրուան գՍէմ կոչէն»¹⁰: 2. ըստ Վարդանի՝ Նո-յը «... մասն ինչ յարեմտից յատանեալ ետ Մանիտոնի»: Իսկ վերոբերյալ Բերոսյան Սիւրիլայից հատվածում, Աստղիկը սպանությունից փրկված մանուկին «ի յարեմութս կոյս» է ուղարկում: Դրանից կարելի է եզրակաց-նել, որ երկու դեպքում էլ խոսքը Մանիտոնի մասին է և քանի որ նրա՝ Նոյի որդի լինելը բացառվում է, ուրեմն նա Ջրուանի=Սեմի որդին, ավելի ճիշտ, նրա սերունդներից է:

Աղբյուրները Սեմին կապում են Արևելքի հետ, նշելով, որ նրա սե-րունդների բնակեցումը կատարվում էր Արևելքի ուղղութայամբ: Այսպես, օրինակ, Հովսեփոս Փլավիոսը այդ կապակցությամբ գրում է՝ «Նոյի եր-րորդ որդի Սեմը ուներ հինգ որդի, որոնց սերունդները բնակեցրել են Ա-սիաստանը, սկսած Եփրատ գետից մինչև Հնդկական օվկիանոսը»¹¹: Սե-մին և նրա սերունդներին Արևելքի հետ կապում է նաև Եվսեբիոսը. «Եւ ի Սէմայ, որ երէց եղբայրն էր՝ զասորեստանեայսն և յամենայն կողմանս արևելից»¹²:

Այսպիսով, կարող ենք ենթադրել, որ լինելով Ասեմի հետնորդը՝ Մանի-տոնը պետք է բաժին ստանար արևելյան կողմերում: Որպես այդ ենթադ-րութայան կողմնակի ապացույց կարող է ծառայել Խորենացու հետևյալ հաղորդումը, որը, մանրամասնելով Սեմի սերունդների բնակեցումն արևելյան կողմերում, մեջ է բերում մի անգիր հին զրույց. «Մատեան լեալ ղՔսիսուլթրեայ»¹³ և զորդույ նորա, որ այժմ ոչ ուրեք երևի, յորում, ասեն, կարդ լեալ բանից այսպիսի: Յետ նաւելոյ Քսիսուլթրեայ ի Հայս և դիպելոյ ցամաքի, դնա, ասէ, մի յորդուց նորա կոչեցեալն Սէմ ընդ արեմուտս հիւ-սիսոյ դիտել զերկիրն... և դառնայ անդէն յարևելս հարաւոյ, ուստի եկն: Նորին դարձեալ և առ եզերք սահմանացն բակտրիացուց ասէին բնակել սակաւ աւուրս, մնացեալ և մի ոմն յորդուց նորա անդ»¹⁴: Թվում է, որ այդ «մի ոմն»-ը հենց Անկանոն դրքերի և Վարդանի Մանետուն-Մանիտոնն է, որը մնացել և, հետևաբար, բնակություն է հաստատել «առ եզերք սահմա-նացն բակտրիացուց», այսինքն այն տարածքում, որտեղ հաստատվել են դեռևս մ. թ. ա. VII դ. վերջում Հյուսիսարևմտյան Չինաստանից գաղթած «սպիտակ դի»-երի ցեղերը. այդ ցեղերի ճյուղերից մեկը՝ հեփտաղները մ. թ. II-III դ.դ. ստեղծել են թագավորություն և 384 թ. հանդես եկել պատ-

⁹ Ա, VI, էջ 24:

¹⁰ Ա, VI, էջ 20: Աստվածաշնչային հին անունները հին արևելյան և հունական դիցա-բանութայան հետ խառնելու և համեմատելու կապակցությամբ տե՛ս Մ ո վ ս ե ս Խ ո բ ե - ն ա ց ի, Հայոց Պատմություն, թարգմ., ներած. և ծանոթ. Ս. Մալխասյանի. Երևան, 1997, էջ 283-284, ծան. 19-20: Ս ե բ ե ո ս, Պատմութիւն, 4-րդ տպ., բաղադրութեամբ, ձեռա-դրաց, հանդերձ առաջաբանիւ և ծանօթութեամբք ի ձեռն Ս տ. Մ ա լ խ ա ս ե ա ն ց. 1939, էջ 164-166, ծանոթ. 8:

¹¹ Թանգարան հին և նոր..., Ա, VI, § 4:

¹² Քրոնիկոն, Ա, էջ 109:

¹³ «Եւ արդ՝ մերձ է և քեզ անդստին այսցանէ, - գրում է Եվս. Կեսարացին, - որ զճշմար-տութեան բանիւն գայցես, յանցնէ իմանալ, եթէ Քսիսուտրոն նոյն է, որ եբրայէցուցն Նոյ կոչի»: (Քրոնիկոն, Ա, էջ 29-30):

¹⁴ Խ ո բ ե ն ա ց ի, Ա, VI, էջ 26:

մական բեմում որպես Մասանյան իրանի դաշնակիցներ՝ մոտ երկու դարի ընթացքում պաշտպանելով նրա հյուսիսային սահմանները եվրասիական տափաստանի քոչվոր ցեղերի հարձակումներից¹⁵:

Այժմ հիմքեր կան նույնացնելու Մանիտոնին Թովմայի «Մանիթոպ արքայ ինփտաղաց»-ի հետ: Եթե Մանիտոն Մանետոն-Մանիթոպը Սեմի հետնորդն է, իսկ Սեմը հին արևելյան առասպելների Ջրվանն է, զրադաշտական լույսի ու կրակի աստված Որմիզդի հայրը, զրադաշտության գրկում առաջացած դնոստիկյան հոսանքի՝ զրվանության գլխավոր աստվածությունը՝ հոսանք, որի էությունը և ներկայացնում է իր Պատմության Ա գրքի 3-րդ գլխում Թովմա Արծրունին, ապա ո՞վ է այն իրական անձնավորությունը, որը անձանաչելիորեն փոխված թաքնվում է Մանիթոպ անվան տակ, մի անձնավորություն, որը շարունակել և զարգացրել է զրվանության հիմնական դազափարը: Թվում է, որ դա կարող էր լինել միայն մանիքեության հիմնադիր Մանին¹⁶: Մեր այդ համոզմունքը բխում է հենց Թովմայի շարադրածի բովանդակությունից: «Ջրադաշտը, — ասում է, — այսպես գառածանէր, զՍէմ որդի Նոյի ասել Նոր Ջրուան... և յղացաւ Ջրուանն երկուորիս... իսկ խարդախն ի նոցանէ... նախաժաման եկն առաջ: Եւ հարցեալ Ջրուանն ո՞վ ես դու՞ ասէ, ես եմ որդին քո Որմիզդ. և նա ասէ. Որդին իմ Որմիզդ լուսաւոր է և անուշահոտ, դու խաւարայն ես և չարասէր... Որմզդ արար զլոյս, Արհմն արար զխաւար...» (էջ 26):

Այս հատվածում Թովման պարզեցված ձևով ներկայացնում է զրվանության երկու հիմնական հատկանիշները՝ 1. հավիտենական ժամանակի (այսինքն Ջրվանի), հավիտենականության դադափարը և 2. առասպելը Որմիզդի և Ահրիմանի ծնելու մասին: «Իսկ Մանիթոպ, — շարունակում է Թովման, — արքայ ինփտաղաց ևս յաւելուածով զայսոսիկ հաստատէ. ոչ ասել զհուր արարած Որմզդի, այլ բնութիւն Որմզդի... և երկիր պանդուկի Սպանդարամետ Աստուծոյ է ոչ ստեղծեալ յումեքէ, այլ որպէս երևիդ՝ նոյնպէս էր, և կա մնա...» (էջ 27–28):

Մանիի ուսմունքի համաձայն՝ «լուսն ու խավարը նախնական սկզբունքներ են», այսինքն, Թովմայի խոսքերով ասած, կրակը (լույսը) ոչ թե Որմիզդի ստեղծած, իրենից անջատ նյութ է, այլ նրա էությունն է (բնութիւնն է), իսկ ... ամբողջ աշխարհը և դոյություն ունեցող կարգերը խավարի, չարի մարմնացումն են, այսինքն՝ ինչպես Արծրունին է ասում, Սպանդարամետի (խավարի և չարի աստծո) կացարանը:

Առաջանում է բնական հարց. իսկ ինչո՞ւ է Արծրունին համարում Մանիթոպ-Մանիին հեփտաղների արքա: Արդյո՞ք իրական Մանիի և հեփտաղների միջև դոյություն ունեն ինչ-որ կապ: Մանին (216–276 թ.) ծնվել է արևմտյան իրանում, իր ուսմունքի քարոզչությունը սկսել մ. թ. III դ. կեսերից, ենթարկվելով հայածանքների տեղափոխվում է արևելյան իրան (Թուրան), որտեղ նրա ուսմունքը լայնորեն տարածվում է, ինչը ժամանա-

¹⁵ Տե՛ս Ա. Н. Г у м и л е в. Тысячелетие вокруг Каспия. М., 1993, с. 111. О н же. Эфталиты и их соседи в IV в. — ВДИ, 1959, N 1, с. 129-140. О н же. Древние тюрки. М., 1967, с. 18-19. Р. Ф р а й. Наследие Ирана. М., 1972 г. с. 307-312.

¹⁶ Տե՛ս Ե. Գ. Տ ե ռ - Մ ի ն ա ս յ ա ն, Միջնադարյան աղանդների ծագման և զարգացման պատմությունից, Երևան, 1968, էջ 91–106:

կի առումով Համբնկնում է Հեփտաղների թագավորութեան առաջացման հետ: Երբ 384 թ. Հեփտաղներն առաջին անգամ հայտնվում են պատմական բեմում, մանիքեոսությունը նրանց միջավայրում արդեն գերիշխող կրոն էր: 569 թ. թուրքական կոտորածից հետո, երբ Հեփտաղների թագավորությունը դադարել էր գոյություն ունենալուց, դժվարհասանելի լեռնային շրջաններում մնացած փոքր Հեփտաղական իշխանություններում շարունակում էր իր իշխող դիրքը պահպանել մանիքեոսությունը¹⁷: Ահա թե ինչու արևելյան ժողովուրդների առասպելաբանական գիտակցությունում Մանին աստիճանաբար կերպարանափոխվում, դառնում է Հեփտաղաց առասպելական թագավոր: Թերևս որոշ դեր է խաղացել նաև այն հանգամանքը, որ Մանին մոր կողմից ծաղում էր պարսից Արշակունի Հարստությունից: Հօդուտ Մանիի հետ Մանիթոպի նույնացմանը խոսում է նաև այն փաստը, որ Զրադաշտը, ինչպես այդ ընդունում է մասնագետների մեծամասնությունը, ապրել և իր ուսմունքի քարոզչությամբ հանդես է եկել արևելյան իրանում¹⁸:

Եթե Թովմա Արծրունու Մանիթոպ անվան տակ թաքնվում է Մանին, ապա առաջանում է վերջինիս և Զրադաշտի ժամանակադրական անհամապատասխանությունը հարցը (մ. թ. III դ. – մ. թ. ա. VI դ.): Սակայն Թովմայի Հաղորդումը, թե «Իսկ Մանիթոպ արքայ խեփտաղաց ևս զայսոսիք Հաստատէ...» ամենևին էլ չի պարունակում որևէ ցուցմունք նրանց ժամանակադրական առումով մոտիկ լինելու մասին, այլ միայն վկայում է նրանց հայացքների դադարական ուղղվածության ընդհանրության մասին: Մանիթոպին (Մանիին) որպես «արքայ խեփտաղաց» ներկայացնելն արտացոլում է այն իրական դերը, որ ունենր մանիքեոսությունը Հեփտաղների միջավայրում¹⁹:

Հին հեղինակներն իրենց ստեղծագործությունները սովորաբար դրում էին որոշակի նպատակով. Թովմա Արծրունու նպատակն էր՝ Արծրունյաց իշխանների ծաղումնաբանությունը և այդ տեսակետից «Մանիթոպ արքայ խեփտաղաց»-ն անմիջականորեն չի կապված այդ խնդրի հետ, սակայն հետաքրքրություն է ներկայացնում այն տեսակետից, թե հին հայոց պատմիչների գործերում ինչպես է արտահայտվել այսպես կոչված անկրեթիզմի երևույթը, որի էությունն էր՝ արևելյան (հիմնականում՝ իրանական և ասորա-բաբելոնական) և արևմտյան (հելլենիստական) մշակույթների, կրոնաառասպելաբանական պատկերացումների փոխներթափանցումը և որը, սկսվելով մ. թ. ա. VI դ., երբ ստեղծվել է Աքեմենյան կայսրությունը, ավելի լայնածավալ դարձավ Ալեքսանդր Մակեդոնացու արշավանքներից հետո, իր մեջ ներառելով նորանոր ժողովուրդների մշակույթներ ու Հավատալիքներ:

¹⁷ P. Фрай. Նշվ. աշխ., էջ 304, 307, 312, 314:

¹⁸ Նույն տեղում, էջ 53-54:

¹⁹ Հեփտաղներին (հեփթաղներին) վերաբերող հայկական աղբյուրների տեղեկությունները Հավաքված և քննության են առնված Գ. Վ. Տրեբերի հոդվածում՝ К. В. Тревер. Кушаны, хиониты и эфталиты по армянским источникам IV—VII вв. (к истории народов Средней Азии). — "Советская археология", XXI, 1954, с. 131—147.

КТО ТАКОЙ "МАНИТ(Ф)ОП, ЦАРЬ ЭФТАЛИТОВ"
В ИСТОРИИ ТОВМЫ АРЦРУНИ

М. О. ДАРБИНЯН-МЕЛИКЯН

Резюме

В 3-й главе 1-й книги труда армянского историка Товмы Арцруни (IX—X в.) "История дома Арцруни", где в упрощенной форме он излагает суть гностического учения званитов, возникшего в лоне зороастризма, наше внимание привлёк следующий фрагмент: "Манит(ф)оп же, царь эфталитов, к этому (т. е. учению званитов) еще добавляет и утверждает, что огонь (свет) не создан Ормиздом, но является его естеством... а... Земля—это обитель Спандарамета (злого духа, бога тьмы)". Исследование легендарных свидетельств, сохранившихся в армянских источниках — в Истории Вардана (XIII в.), Апокрифических книгах Ветхого завета и, в особенности, в Истории Мовсеса Хоренаци и их сопоставление со сведениями, почерпнутыми из восточной мифологии, в трудах Иосифа Флавия, Евсевия Кесарийского и Елифания Кипрского, привели нас к выводу, что под именем легендарного царя эфталитов Манит(ф)опа скрывается Мани, создатель манихейства, что подтверждается и содержанием вышеприведенного фрагмента.

Рассматриваемый вопрос представляет интерес с точки зрения того, как отразилось в трудах средневековых армянских историков явление синкретизма, то есть процесс взаимопроникновения восточной (преимущественно иранской и ассиро-вавилонской) и западной (эллинской) культур и, в частности, религиозно-мифологических представлений.